

ւոր մասերը, բայց դա ժամանակաւոր երեւոյթ է: Փարիզն էլ պաշարեց, վարչաւայի անկումն էլ մօտալուտ էր. սակայն, շնորհիւ ժողովրդի զգաստ ոգու և զիտակից հայրենասիրութեան՝ պատերազմի ընթացքը բոլորովին այլ կերպարանք ստացաւ, և մայրաքաղաքներին սպառնացող թշնամին հարկադրեց հաշտութիւն խնդրել:

Գիտակցական ուղեորութիւնն ու զգաստութիւնը հետեանք է եռանդուն աշխատանքի և ես կարծում եմ, որ այդ աշխատանքը մեր ժողովրդի համար ուշացած չէ: Ինձ չի սարսափեցնում Կարսի անկումը, ինձ սարսափեցնում է ժողովրդական խաւերի մէջ նկատուող անտարբեր վերաբերմունքը. վերացնել այդ մեր առաջին պարտքը պիտի լինի, լարւած աշխատանքի միջոցով զգաստացնել մեր հասարակութիւնը՝ կարեորագոյն խնդիրներից մէկը: Դրա հետ մէկտեղ հասարակութիւնը պէտք է հնարաւոր վիճակի մէջ պահէ պետական ապարատը. չմոռանանք, որ յաճախ պատերազմի անյաջողութեան պատճառ են դառնում շատ հասարակ պահանքներ:

Եթէ մենք հասնենք ժողովրդի զգաստացման փաստին ու այդպիսով պատերազմի մէջ նրա գիտակցական մասնակցութիւնը օգտադրած ենք, եթէ կառավարութիւնը բոլոր միջոցներով կարգաւորէ պետական ապարատն ու թիկունքի կազմակերպութիւնը խելացի հիմքերի վրա դնէ, ապա յաղթանակը աներկբայ չի է: Ողջունելով կառավարութեան ընթացքը՝ ես հայ ժողովրդին ուղեւորութեան և զգաստացման կոչ եմ անում (ծափափառութիւն):

Ա. Խոնդկարեան (սոց.-յեղ.). — Նախարարապետի գեկուցումից յետոյ մենք կարող ենք ասել, որ մեզ համար այդ ամենը անսպասելի չէր. չկայ թշնամիներից ոչ նենգը, ոչ խորամանկը, ոչ ջենտլմենը, թշնամին թշնամի է, իսկ յաղթող թշնամին միշտ թելադրում է իր կամքը: Տաճիկները յաղթել են և այժմ ուզում են իրենց թաթը դնել Հայաստանի վրա. ի պատասխան դրա էսէրական Փրակցիայի կողմից մի բան ունեմ ասելու — հաշտել տաճիկների պայմաններին հայ ժողովուրդը չի կարող: Սակայն, կուի նպատակը պարզ պիտի լինի, մի բան, որ շասաց նախարարապետը. կուում ենք մեռնելու, թէ՞ յաղթելու համար: Հայ ժողովուրդը կուում է յաղթելու համար միայն և եթէ այդ այդպէս է, ապա այսօր մենք պէտք է խօսենք այն միջոցների մասին, որոնց դործադրումով պիտի շահենք յաղթանակը: Պատերազմը քաղաքական օրգանիզմի լարումն է. նրան կարող է դիմանալ միայն առողջ օրգանիզմը, ահա այն դասը, որ մենք պէտք է սովորենք այս պատերազմից. Հայաստանի պետական օրգանիզմը հանդէպ հիւժուող Տաճկաստանի դուրս եկաւ թոյլ և անառողջ: Կառավարութիւնը պարտք ունէր այստեղ թելու յաղթութեան համար ձեռք առնւած միջոցները. այդ չարաւ նա, սւտի էսէրական Փրակցիան իր կողմից պիտի առաջարկէ հիմնական միջոց պետական անառողջ օրգանիզմը բուժելու նախ և առաջ ու ապա, դրա միջոցով, յաղթութեան դիմելու: Էսէրական Փրակցիայի կարծիքով բուժման ու յաղթանակի հիմնաքարը դնելու համար անհրաժեշտ է վերակառուցել պետական մեխանիզմը սկզբից. խօսքս վերաբերում է Հայաստանի կառավարութեան: Յայտնի է, թէ ինչ պայմաններում ծնունդ առաւ ներկայ կառավարութիւնը. վերացել են այդ պայմանները, սակայն, կառավարութիւնը շարունակում է դեռ գոյութիւն ունենալ. մեր հիմնական օրգաններից մէկն այդ է:

Թշնամին գալիս է սպանելու ամէն մէկ հայի, ապա ուրեմն, Հայաստանը պէտք է ունենայ մի կառավարութիւն, որ կարողանայ դիմադրաւել այդ համաժողովրդական վտանգը. կառավարութիւնը պիտի լինի համաժողովրդական, համապետական: